

PLOANIES SAN MARTIN Y LUNGIARÜ

En dedemesaledema, ai 4 de jügn, dales 20.00, él tla dlijia da La Val na ora de oraziun por l'interzesciun de siur Heinrich Videsott cun esposiziun dl Santiscim.

Le KVV Val Badia mèt a jí n peregrinaje tla Slovenia ai 08,09 y 10 de setëmbër cun siur degan. Info y prenotaziuns pro Christoph Pezzedi 333 72 19 535 o e-mail crix.pezzedi@gmail.com

SAN MARTIN

En la festa dles Antlés tignunse la Prozesciun Eucaristica da dlijia cina ite dala ciasa de palsa, cun dui vangeli. Les uniuns é dër bel periades da fistidié da chirí porsones che porta les statues, i confaruns, les bandires y i.i. por podèi fá na bela prozesciun sciöche espresciun de fede.

Don Marco o n so sostitut vá regolarmënter a provede tles ciases di amará, de regola n iade al méis. Sc'al foss rové lapró porsones che ess ion la comuniun te ciasa, präibel se mète en contat cun Carla Verginer 335 71 74 220.

La gran mostranza dl Santiscim de nosta dlijia é gnüda indorada danü. N gran dilan ala porsona (anonima) che á surantut les spëises.

Sura la capela de cortina él gnü metü les crusc y na pert dles zorghes dles fosses che é gnüdes tutes demez da püch. I proprietars pó jí a s'les tó cina ala fin de jügn 2025. Do chësta data vëgnel condüt demez döt cant ci che é ciamó resté dailó. Al vëgn ince dër bel perié da ne sciuré nia ciomënt, restli de ciüfs desfloris o d'ater tl ciantun sura la capela.

La Uniun di Seniors San Martin / Antermëia, inviëia düc i seniors y les seniores a na griliada en sabeda, ai 7 de jügn, da misdé, it'a Lungiarü; präibel prenotesse cina en jöbia, ai 5 de jügn, pro Leo 348 40 96 351.

LUNGIARÜ

Indoman, lönesc, ai 02 de jügn, vëgnel lavé la dlijia. Al vëgn perié bel che tröc/ tröpes vëgnes a daidé, spo se fajunse plü saurí! Präibel y dilan!

La Uniun KFS (Uniun dles Families Catoliches) organisëia adöm cun le Comun da San Martin cursc d'isté por mituns y mitans:

- "Gioco gym" cun Federica Gentilini. Le curs vëgn tigní a San Martin, ciamp dl sport, dai 21 ai 25 de messé, tres dales 09.00 - 10.30.

Scri ite se pó i mituns y les mitans che fej pert dla Uniun y che é nasciüs tl ann 2018, 2019, 2020, 2021

- "Musiga por picí y gragn" cun Marion Palfrader. Le curs vëgn tigní tl Istitut Ladin ai 2,7, 9, 14 y 16 de messé, tres dales 10.00 - 10.50.

Scri ite se pó mituns y mitans da 2 a 4 agn, acompagná da n adult y che fej pert dla Uniun.

Por informaziuns y iscriziuns präibel cherdé sö le nr. 349 36 48 052.

I inviun dër bel düc canc da tó pert a nosta Uniun, ince porsones singoles o families che n'é nia dl comun da San Martin.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523194

01.06. - 08.06.25 n. 27

termo por comunicaziuns: jöbia, dales 20.00

FESTA DL'ASSËNZA - C

Vangele do san Lúca 24,46-53

Te chël tēmp ti à Gejù dit a sü discepui: Insciö stal tla Scritöra: Le Messia sofriarà y ressoriarà dai morc le terzo dé, y te so inom ti incundaran a düc i popui, scomencian te Ierusalem, che ai dess dè ota, por che sü picia vëgnes pordenà. De chësc sëise os mi testimoni. Y iö ves ortiarà jö sön os la scincunda che mi Pere ves à impormetü. Romagnede tla cité, cina ch'i ne gnëis nia implis cun la forza dal alt. Spo i àl condüt fora dlungia Betània. Dailò àl alzè sües mans y i à benedì. Y tratan ch'al i benedì, i àl lascè y é gnü alzè sö cuntra cil. Mo ëi s'à inje-nedlè a l'adorè. Spo ési jüs cun gran ligrëza derevers a Ierusalem. Y ai ê tres tl tēmpl y laldâ Idî.



L'ultimo capitul dl vangele do san Lúca cunta de incuntades danter Gejù y n valgügn de sü discepui do süa ressozeziun, olach'ai se sperd y se fej demorvëia y mët man da crëie danü che Gejù vá inant cun ëi por so tru.

Cun le test da incö se röia le vangele do Lúca

y la maniera dla vijinanza de Gejù se müda da sëgn inant bindebó.

Le vangelist scrí: "Y tratan ch'al i benedì, i àl lascè y é gnü alzè sö cuntra cil."

Te na certa maniera sozed chëstes mudaziuns dla presënza de Gejù

ince daimproia sön le tru dla fede de vigni porsona,


la maniera da incunté y la maniera da sintí la vijinanza de Dî, la vijinanza de Gejù.

Impó él na continuité, Gejù vëgn inant cun nos.

So acompagnamënt nia da preodëi, mo fedel,

cheriëia ti discepui fidënza y na gran ligrëza. T.D.



EDEMA - C	SAN MARTIN	LUNGIARÜ	<i>Döt le bun a chi che complësc i agn de jügn</i> <i>a San Martin</i> Regina Planatscher Unterweger che nen complësc 81 ai 5 Lois Clara che nen complësc 90 ai 15 Herta Prousch Rungger che nen complësc 83 ai 17 <i>a Lungiarü</i> Waltraud (Wally) Greif Pescoller che nen complësc 81 ai 9 Monica Clara Mischi che nen complësc 93 ai 13 Giovanna Paratscha Chiusura che nen complësc 82 ai 24 Giovanni Mischi (Frëina) che nen complësc 87 ai 30 <i>Oraziun de bendisciun</i> <i>Bel Dî</i> <i>benedëscesse cun na fede</i> <i>che tüa creaziun é maiú</i> <i>co ch'i la conesciun.</i> <i>Benedëscesse cun na speranza</i> <i>che te os nes scinché deplü</i> <i>co ch'i s'aspetun.</i> <i>Benedëscesse cun n amur</i> <i>che nes lascia crësce plü alalt</i> <i>co ch'i minun.</i> 
01.06.25 Festa dl'Assënza C Ascensium dl Signur	9.30 Corona por vocaziuns <i>(don Marco)</i> 10.00 Gran Mëssa por la comunité por families de German y Sepl Frenner de reng. + + Tone y Monica Tolpeit + + Giovanni y Teresa Flöss	7.50 Corona <i>(don Marco)</i> 8.15 Gran Mëssa por la comunité + + Camura aniv. + Albino Clara, Brocia + + Giovanni y Rita Zingerle	
02.06.25 Lönesc <i>Nina, Armin</i>			
03.06.25 Dedolönesc <i>Karl Lwanga y co. Oliva</i>	8.00 Mëssa por benefaturs y jënt dla Ciasa de Palsa		
04.06.25 Dedemesaledema <i>Crista, Patrich</i>			
05.06.25 Jöbia <i>Bonifaz, Igor</i>			
06.06.25 Pröm vëndres <i>Norbert, Kevin</i>	18.30 Adoraziun chîta 19.00 Mëssa + siur Heinrich Videsott	7.00 Adoraziun chîta 7.30 Mëssa + + Paul Costa y Pire Clara aniv. + + + Carlo, Pio y Pire Mischi	
07.06.25 Sabeda <i>Robert, Amadî</i>	18.30 Mëssa prefestia + Friedl Pedevilla + Loise Ploner Unterweger + Maria Baldissera, dl ann		
08.06.25 PASCA DE MA	<i>degöna Corona</i> <i>(don Marco)</i> 10.00 Mëssa solëna por la comunité + Rosalia Chizzali Ploner, dl ann + Giovanni Untereweger + Anna Frenes Castlunger	7.50 Adoraziun (1ª pert) 8.15 Mëssa solëna por la comunité de reng. fam. Berto Clara de reng. fam. Domenico Clara + Amalia Mischi aniv. + Maria Daporta, Grones dl ann + Sabina Clara, Seres dedô Adoraziun (2ª pert)	